

奩

史

舊史卷十二

東吳王初桐于陽篋述

京口高雲青士校刊

統系門四

公主

堯有娥皇女英舜妹有駘手舜女有霄明燭光湯有
帝乙歸妹至周中葉始謂之公主

初學記

公羊傳天子嫁女於諸侯至尊不自主婚必使同姓
者主之謂之公主蓋周事也史記公叔相魏尙魏公
主文侯時也蓋僭天子之女也

續事始

天子嫁女使三公主之故呼公主

春秋指掌碎玉

年表秦始以君主妻河君主謂君之女猶後世公主也妻河沉之河水如河伯娶婦故事

丹鉛總錄

臨海公主惠帝女羊后所生未出適值永嘉亂傳賣長城民錢溫溫以送女女過主甚酷主自告太守以

聞於是殺女而以公主適曹統

晉中興書

溧陽公主簡文帝女也年十四有美色侯景納而嬖之景與主共據御牀南而坐

梁書

太平公主常衣紫袍玉帶折上巾具粉礪歌舞中宗前帝及武后大笑曰兒不爲武官何遽爾主曰以賜

駙馬可乎帝識其意擇薛紹尚之

女世說

蕃將阿布恩伏法其妻配掖庭隸樂工及侍宴爲戲皆笑樂政和公主獨俛首元宗問故公主曰使阿布恩眞逆人也其妻亦同刑人不合近至尊若果冤橫忍使其妻離處羣優爲誰具哉上亦憫惻遂罷戲免阿布恩妻

女世說

中宗八女安樂公主最幼帝遷房陵而主生解衣以裸之名曰嬰兒

新唐書

中宗女安樂公主恃寵賣官鬻獄勢傾朝野或自爲制勅擬其文令上署之上笑而從之竟不視也

山堂肆考

周太祖將兵過宋州先有一男子一女子轉客於市父老憐之醪酒肉衣服相配爲夫婦及太祖至市人聚觀女子於衆中呼曰此吾父也太祖使前問之信其女相持而泣女曰我已嫁人矣呼其夫視之曰此亦貴人乃攜之俱行卽張永德也及太祖卽位除永德駙馬都尉妻爲晉國公主

東都事畧

芳儀江南國主女也納土後嫁孫某爲妻爲遼聖宗所獲封芳儀生公主一人李主有國日施財修廬山真風觀刊姓氏於後有大寧公主永嘉公主皆李景女不知芳儀者孰是也

吟嘯集

金花公主金章宗女也墓在平谷縣馬家莊

名勝志

政和間采周時王姬之稱改公主曰帝姬郡主曰宗

姬縣主曰族姬公主之號建炎初復之

愧鄉錄

徽宗以公主郡縣主爲不典遂命有司議之以本朝

羸姓欲易公主爲帝羸郡縣主爲宗羸族羸徽宗又

以爲不合時宜因諭大臣曰姬雖周姓後世以爲婦

人美稱乃詔公主爲帝姬郡縣主爲宗姬族姬

國史後補

魏勝開詳蔡元長改公主爲帝姬郡縣主爲宗姬族姬蔡姬姓也欲天下皆歸於姬注謂之不反可平其子條作國史後補云云妄言以掩其父之惡而不知陳東已備言之於前矣

柔福帝姬徽宗女自金奔歸自言於上上憫之遂以

高士儻尙主及章太后北歸曰柔福死已久上乃誅
姬四朝聞見錄浩然齋雅談作高世榮

公郡縣主宮禁呼爲宅家子猶云帝子也又爲阿宅
家子阿助詞也急語乃以宅家子爲茶子旣而亦云
阿茶子或削其子遂曰阿茶一說漢魏以來宮中尊
美之呼曰大家子今急訛以大爲定焉資暇錄

蒲割額公主名也遼史國語解

歷代公主錄一卷洪武中編明史

李商隱詩金唐公主年應小二十君王未許婚

漢制皇女皆封縣公主諸王女皆封縣亭公主肅宗

特封東平憲王女琅琊孝王女爲縣公主

後漢書

漢以來公主所封皆爲邑無封國者唐睿宗女華婉以劉后所生始封代國後遂爲常制

事物紀原

唐國長公主神宗女也歷封溫曹冀雍燕越六國

宋史

公主封有以國名者卽國代國霍國之類是也有以郡名者平陽宣陽東陽之類是也有以美名者太平樂安長寧之類是也

唐會要

仁廟欲封皇女王洙言唐封公主有以郡國名者有以美名者若明皇封永穆常芬唐昌太華皆以美名乃封長女福東公主次女崇慶公主

隱窟雜誌

熙寧初嫁一公主至用七十萬緡沈貴妃料錢月八百貫仁宗初定公主俸料以問獻穆太主再三始言其初僅得五貫耳

容齋隨筆

洪武九年定制公主受封者賜莊田一區歲徵租一千五百石鈔二千貫壽春公主爲太祖所愛賜吳江縣田一百二十餘頃歲入八千石

明會典

周漢國公主方選尙丁大全欲用新進士爲駙馬命考官竄周震炎第一倡太平狀元之說以媚上震炎草茅士年幾三十矣恭謝日公主於屏內窺之不悅事遂寢

三朝政要

長平公主年十六帝選周顯尚主將婚以寇警暫停
城陷帝入壽寧宮主牽帝衣哭帝曰汝何爲生我家
以劒揮斫之斷左臂越五日復甦荀隱紀聞 雷後
年十五歲上問主哭上曰汝何不死曰兒無罪上曰
汝生吾家卽是汝罪左手掩面右手揮之以劒殊左
臂未死手漂而止

李斯諸男皆尚秦公主

史記

宗太尉尚壽陽公主與公主語常自稱下官

天中記

憲宗女岐陽公主下嫁從婢六七人乘驢闕茸

樊川集

咸安公主下嫁可汗上書稱半子

續釋常談

唐舊制公主下嫁者舅姑拜之至德宗始命禮官定

其儀公主拜見舅姑

研北雜志

公主行婦禮自唐王珪之子尚南平公主始

事始

賢穆下降慈聖宣仁欽聖三殿護送就第後三日見舅姑舊例貴主畫堂垂簾坐舅姑拜簾外賢穆奏乞行常人禮上與慈聖大喜

錢氏私志

徐國惠和公主下嫁王師約見舊姑行盥饋禮天姬行婦道自惠和始

澠水燕談錄

唐宣宗女萬壽公主下嫁之後遂詔公主有子而寡不得復嫁宋朝之制主薨其夫不得復娶

事物紀原

趙倩尚文帝女海鹽公主甚愛重倩嘗因言戲以手

擊主事上聞文帝離婚

宋書

王藻尙臨川公主公主性妬而藻有外好主譏之於

帝藻下獄死主與王氏離婚

侍兒小名錄拾遺

尙三主者宋劉昶前後尙武邑建興平陽三公主主

三嫁駙馬者唐定安公主初嫁王同皎次嫁韋濯三

嫁崔銑齊國公主始嫁張洎次嫁裴穎三嫁楊敷寧

國公主初嫁鄭巽次嫁薛康衡三嫁可汗

宛委餘編

公主銀冊鐫字鍍金

明會要

公主金印龜紐文曰某國公主之印

宋會要

秦漢以來惟帝姬得號公主而元則諸王之女亦概

稱焉

元史

何晏婦金鄉公主卽晏同母妹公主賢明謂其母沛王太妃曰晏爲惡日甚將不保身母笑曰汝得無妬晏耶俄而晏死

魏本傳

賈后二女宣華女彥封宣華宏農郡公主女彥年八歲病困賈后欲議封女彥語后曰我尙小未及成人禮不用公主及薨諡哀獻皇女

魏榮緒晉書

南陽公主有婦德事明馬蕭實實盡肅雍之禮實實每入室公主必立以待之相遇如賓

後魏書

蘭陵公主字阿五高祖女也美姿儀性婉順好讀書

適柳述諸姊並驕蹕主獨遵於婦道

隋書

隋煬帝卽位蘭陵公主駙馬柳述坐罪徙嶺表帝將改嫁主主以死自誓不復朝謁表求免主號與述同徙帝不從主感憤成疾臨終上表生不得從夫死乞

葬柳氏

文世說

賈建德減字文化及隋代衣冠引見建德皆惶懼失常惟南陽公主神色自若自陳國破家亡不能雪恥淚下盈襟聲辭不輟情理切至建德及觀聽者咸動容隕涕

坦齋通編

襄城公主下降有司告營別第辭曰婦事舅姑如事

父母異宮則定省闕

六帖

襄城公主動循矩法帝勅諸公主視爲師式

子史精華

館陶公主寡居年五十餘矣董偃年十三隨母以寶珠爲事出入主家主見其姣好養之第中至年十八出則執轡入則侍內號曰董君

漢書

班始尙陰城公主公主貴驕淫亂與所嬖人居帷中召始入使伏牀下

裴啓語林

王濟尙常山公主公主妬忌兩目失明

晉書

山陰公主淫恣過度謂帝曰妾與陛下雖男女有殊俱托體於先帝陛下六宮萬數而妾惟駙馬一人事

不均平一何至此帝乃爲主置面首左右三十人

宋紀

山陰公主窺見褚淵美貌悅之以白帝帝召淵西上
閑宿公主夜就之淵整身不爲移志公主曰君鬚髯
如戟何無丈夫意淵曰不敢首爲亂階

何氏語林

劉輝尙蘭陵公主頗嚴妬輝嘗私幸主侍婢有身主
笞殺之割其孕以草裝實婢腹裸以示輝

後魏書

太平公主則天所生降駙馬薛紹紹誅則天乃殺武
攸暨之妻以配主焉公主豪橫驕恣田園遍於近甸
貨殖流於江淮及元宗賜死藉其家財貨山積珍奇
寶物侔於御府

舊唐書

李義山碧城詩蓋詠其時貴主事唐公主多自請出
家與二教媒如文安潯陽平恩邵陽永嘉永安義昌
安康諸主皆巧為道士築觀於外詩中籍史洪崖及
董偃木精盤事大指已明又劉夢得題九仙公主舊
院詩亦云武皇曾駐蹕親問主人翁唐書紀載

漢制帝姊妹曰長公主蔡邕獨斷

漢制皇女皆封縣公主其尊崇者加號長公主學林

邱壘綬長公主銅鏤續漢書

漢制帝姑曰大長公主初學記

賢穆有則維大長公主牌印金錯錢氏私志

漢皇帝之姑封大長公主號太主武帝本紀帝以衛

長公主妻樂大自稱太主徐廣云武帝姑竇太后女

也封太主之號自漢始

事物紀原

唐長公主母曰太儀

絕妙古今

周宣王始稱其女曰公主諸侯女曰翁主

物原

漢諸王女封鄉亭翁主

讀書紀數畧

娶天子女曰尚公主娶諸侯女曰承翁主

升菴外集

唐太宗始稱諸王女曰郡主諸侯女曰縣主

物原

故事親王女皆封郡縣主趙普以元勳諸女封郡主

高懷德二女特封郡主非禮也

獨醒雜志

後漢帝女皆封縣公主此疑縣主之始也隋唐以來
諸王之女封郡縣但曰某郡縣主

事物紀原

貞元中獨孤穆客淮南夜至一處門館甚肅有青衣
延客曰娘子姓楊行第六以上客至無所爲辭於是
秉燭陳榻衾褥畢具有頃娘子出數十青衣人前導
曰縣主至見一女年可十三四姿色絕代謂穆曰妾
父齊王隋室第二子隋亡父遇害妾年幼亂兵入宮
有欲相逼者妾罵辱之遂爲所害已離人間二百年
矣穆知是鬼亦無所懼遂入臥內但其氣奄然其身
頰冷頃之泣謂穆曰妾獨居此今爲惡王墓所擾欲

聘妾爲姬妾以帝王之家義不爲凶鬼所辱君曰日
能挈我俱去生成之惠也穆許諾須臾天將明縣主
涕泣與穆辭訣旣出門回顧無所見發其地得骸骨
一具遂改葬於洛陽歲在己卯穆晨起將出忽見數
人至謂穆曰縣主有命穆曰豈相見之期至耶其久
暴亡遂與楊氏合葬

靈鬼志

親王女曰郡主郡王女曰縣主孫女曰縣君元孫女
曰鄉君

事物紀原

宗女封郡縣主皆有月俸錢米張掄娶仲儻女封遂
安縣主月入百千

客齋隨筆

明女封主君五等親王女封郡主郡王女封縣主鎮
國將軍女封郡君輔國將軍女封縣君奉國將軍女
封鄉君 諸書紀數畧

故事宗人適人皆內侍與有司主之以昭穆益疎但
給奩具然有司不時給宗女貧不能行多自稱不願
適者 朝野雜記

駙馬

凡尙公主必拜駙馬都尉者蓋以王姬之重庶姓之
輕若不加等級詎可合卺所以加之漢制以列侯尙
公主而魏何晏始以主婿拜後爲常制 事物紀原

宋世以駙馬爲粉侯駙馬之兄爲粉昆

名曰文身表異錄

公主夫必拜駙馬都尉故謂之駙馬郡主之夫爲郡

馬縣主之夫爲縣馬不知何義

行營雜錄

本朝宗女出嫁如婿係自身者爲將仕郎否則承節

承信郎妻雖死夫爲官如故

容齋隨筆

凡尙郡主縣主郡君縣君鄉君者並曰儀賓

事物紀原

宋時親王南班之婿謂之裙帶官

朝野類要

太子妃

皇太子妃逢持節使者駐車不揖

甲辰儀

武帝爲太子長公主嫖以女爲太子妃

漢書

王禁女政君入太子宫御幸有身立為太子妃

漢書

納太子妃王氏賜文武百官布絹

晉書武起居注

武帝揚元后生惠帝謀婚久不決賈充妻郭必欲使所生女配太子使人輸寶物於揚后固啓必成本當娶后妹午午年十二小太子一歲短小未勝衣更娶南風南風時年十五大太子二歲上聽之遂納為太子妃

王隱晉書

惠帝為愍懷太子聘王衍小女惠風賈后暴戾日甚

乃表乞免為庶人送太子妃王氏入金墉城

載榮緒晉書

度宗為忠王議納妃臣僚言全昭孫女從父仕宦備

宮觀險其處富貴必能盡警戒相成之道乃冊爲皇

太子妃

宋史

宋樂間上及后御便殿東宮妃張氏親執庖饗上御膳恭謹上大喜曰新婦賢他日吾家事多賴也由是無易儲意

明史紀事本末

皇太子妃金璽龜紐

沈約宋書

皇太子妃冊用金

明會典

太子才人比駙馬都尉

蕭子顯齊書

初世祖遣才人謝氏給事惠帝因是有嫉臨娶賈妃迎玳西宮遂生愆懷太子

愍懷太子所幸保林曰蔣俊或榮緒晉書

大明五年上爲太子置內藏二等曰保林曰良姊宋書

太子保林比五等漢書

太子有妃有良姊有孺子妻妾凡三等漢書外戚傳

武五子傳納史良姊韋昭曰良姊太子之內官也漢書

衛太子史良姊家本魯國元鼎四年入爲良姊生男

號史皇孫及巫蠱事起皆遭害漢書

元帝爲太子所愛幸司馬良姊病謂太子曰妾死非

天命乃諸姊妾良人妬我更祝詛殺我太子憐之及

卒太子忽忽不樂因以過怒諸姊妾莫得見女世說

太子良姊比開國侯

蕭子顯齊書

順宗莊憲皇后王氏幼以良家子入宮爲才人順宗在藩邸時代宗以才人賜之生憲宗立爲孺人順宗升儲冊爲良姊

唐書

詔賜孺子妾冰未央才人歌詩顏師古曰孺子王妾之有品號者妾王之衆妾也冰其名

漢雋

太子恂在東宮高祖欲爲納劉芳女芳辭以年貌非宜更冊芳舉其宗女芳乃稱其族子長文之女高祖乃爲恂娉之與鄭懿女對爲左右孺子焉

後魏書

東宮以春夏秋冬四夫人直書閣爲最親王能屬文

爲尤親王

隨隱漫錄

王妃

樂安除夫人孝質皇帝母也少以伎入孝王家得幸

生質帝拜夫人爲王妃

續漢書

董卓酖宏農王王謂妻唐姬曰卿王者妃勢不復爲

吏臣妻幸自愛從此長辭遂飲藥死唐姬歸父欲嫁

之誓不許獻帝聞而感愴拜爲宏農王妃

後漢書

元匡奏親王及始蕃二蕃王妻悉有妃號而三蕃已

下妻上不得同爲妃下不如五品已上命婦之號竊

以爲疑於是三蕃妻亦從妃例

後魏書

金主亮聞葛王雍妃美召之時葛王爲濟南尹妃念
昔身死濟南亮必殺雍惟奉詔去濟南死雍可以免
謂雍曰我當自斃不以相累也召王府臣僕諗之曰
爲我禱諸東嶽我不負王使皇天后土明鑒我心衆
皆泣下

女世說

卷十二

舊史卷十三

東吳王初桐于陽

疑述

同里曹仁虎習菴校刊

統系門五

外命婦

國語優施謂里克曰主孟嘏我注云大夫之妻從夫
稱主而孟則里克妻字也

兩鈔摘腴

齊侯以璧司徒之妻有禮予之石琚此婦人得封之
始也

事紀原

宋時婦人封自執政以上封夫人尚書以上封淑人

侍郎以上封碩人大中大夫以上封令人中散大夫
以上封恭人朝奉大夫以上封宜人朝奉郎以上封
安人通直郎以上封孺人三公大將封帶王爵者妾
亦受封特視正妻減階耳

楓窗小牘

外命婦之號九公曰某國夫人侯曰某侯夫人伯曰
某伯夫人一品曰夫人後稱一品夫人二品曰夫人
三品曰淑人四品曰恭人五品曰宜人六品曰安人
七品曰孺人

明會要

外命婦有十二階國夫人郡夫人太夫人郡君太君
淑人碩人令人恭人宜人安人孺人

讀書紀數畧

漢隸篆母師氏通經學百家之言王莽寵以殊禮賜
號義成夫人夫人之封自此始 事物紀原

古者邦君之妻曰夫人夫人之號無敢竊也老父相
呂后曰夫人天下貴人也是稱亭長妻爲夫人矣流
及後世遂以夫人爲貴賤之通稱 古今攷

馬敬德將爲侍講其妻夢猛獸將來向之敬德走超
叢棘妻伏地不敢動敬德占之曰吾當得大官超棘
過九卿也爾伏地夫人也 北齊書

夷離的大臣夫人之稱 遼史國語解

孝穆太后曾祖母祖母母俱封一品夫人 雙槐歲抄

明初正從一品官曾祖母祖母母妻封贈國夫人後
封一品夫人 事物紀原

宋鄱陽侯孟懷玉母封國夫人洎隋洗氏以功封譙
國太夫人此夫人封國之始也 事物紀原

貞元中贈張巡妻申國夫人 孔帖

江南周后隨後主歸朝封鄭國夫人例隨命婦入宮
每入輒數日而出必大泣罵後主聲聞於外後主多
宛轉避之 江南錄

賈似道母贈秦齊兩國賢壽休淑莊穆夫人 槎菴小

功臣妻給俸自韓世宗妻和國夫人始 通鑑長編

隋冊洗氏爲高涼郡夫人此夫人封郡之始也事物紀原
元一品封國夫人二品封郡國夫人三品封郡侯夫
人續文獻通考

高祖與項氏戰厄於延鄉有翟母者免其難故以延
鄉爲封邱縣以封翟母爲縣夫人陳留風俗傳

漢制列侯之妻稱夫人列侯死子復爲列侯乃得稱
太夫人夫死而子不侯不得稱也杜佑通典注晉羊
祜卒二歲而吳平武帝曰此羊太傅功也封其夫人
爲萬歲鄉君此非夫死從子之意南史宋鄱陽侯孟
懷玉之母封檀國太夫人御史袁豹謂婦人從夫懷

王父綽見爲大司農妻不宜從子歐陽詢妻徐夫人墓志謂徐始以夫恩封渤海郡君尋加渤海郡夫人後以子封乃爲太縣君似亦太夫人之意蓋其子官卑未當封母爲太夫人也

野客叢書

沈約母拜建昌太夫人帝使散騎侍郎就家讀策受印綬自僕射以下數百人就門拜賀宋梁以來命婦未有其榮

玉芝堂談薈

宰相使相母封國太夫人妻封國夫人樞密使副使參知政事尚書節度使母封郡太夫人妻封郡夫人樞密參政母經南郊封國太夫人直學士以上給諫

太卿監觀察使母封郡太君妻封郡君少卿監防團
以下至陞朝官母封縣太君妻封縣君

春明退朝錄

故事臣僚封贈母祖母不問生死並加太字政和間
劉安言太者事生之尊稱也既歿並祭於夫若加之
尊稱則是以尊臨其夫也於名義未正自是始詔命
婦追封並除去太字

却掃編

夏忠靖母廖夫人事姑甚謹姑病執其手語曰吾無
以報汝願汝壽過我子孫事汝如汝事我忠靖貴夫
人年八十晉封太夫人

從野堂存彙

杜甫詩起居八座太夫人

漢異姓婦人以恩澤封者曰君

蔡邕獨斷

婦人封君漢始有之取春秋小君之義

事物紀原

王莽母封功顯君

漢書

鄧皇后太夫人爵號爲新野君

東觀漢記

梁冀妻孫壽封襄城君兼食陽翟租歲入五十萬加

賜赤紱比長公主

後漢書

梁冀夫人號開封君

梁冀別傳

後漢書和帝夫人陰氏冀追號開封君

董卓母封池陽君

後漢書

唐制四品妻爲郡君五品爲縣君其母邑號皆加太

字君封稱太此其始也

事物紀原

唐制外命婦四品以上給鹵簿

石林燕語

母妻邑號各視其夫子之品其不因夫子別加邑號

者夫人曰某品夫人郡君曰某品郡君

杜氏通典

漢武帝封太后母臧兒爲平原君平原漢郡此封郡

君之始

事物紀原

肅祖太妃苟氏初以徵入宮生肅祖中宗以母賤命

虞妃母養肅祖而出嫁苟爲馬氏妻馬氏卒肅祖迎

母還宮稱建安君追贈豫章君

晉中興書

景明初封外祖母蓋氏爲清河郡君

後魏書

元制品官母妻四品贈郡君

輟耕錄

開元二十七年詔天下百歲已上婦人版授郡君九十已上婦人版授縣君八十已上婦人版授鄉君冊府元龜

漢武帝封太后徵時金王孫家所生姊號修成君修成漢縣此封縣君之始

事物紀原

董卓孫女名白未笄封渭陽縣君於郿城起壇從廣二丈餘高五六尺使白乘金華青蓋車都尉中郎刺史二千石在郿者各令乘軒簪筆爲白導從之壇上使兄子橫爲使者授印綬

英雄記

杜父妻裴氏恭皇后之母以后貴封高安鄉君孝武

追崇爲廣德縣君晉時縣君之貴如此

孔氏雜說

張奎妻長安縣君王氏名文淑荆公之妹也有句云

草草杯盤供笑語昏昏燈火話平生

隱居詩話 墨莊漫錄作荆公

女適吳丞相之子封長安縣君諡

元制品官母妻五品贈縣君

輟耕錄

蘇尙書夫人劉封仁壽縣太君卒年八十五子孫曾

元男女五十七人李中丞之配羅封夫人卒年九十

三子孫曾元五十人女孫二十餘人

梅花草堂筆談

卞隆妻王氏以后母封顯陽君追封隆前妻劉氏爲

仁慎鄉君后親母故也

魏志

成恭皇后杜氏京兆人也母裴氏爲廣德縣高安鄉君賜錢百萬布五百疋

晉中興書

凡宗室封女之制使相女封淑人節度使女碩人觀

察使女令人

建炎以來朝野雜記

明制正從三品官母妻封贈淑人

事物紀原

元六品封恭人

續文獻通考

明制正從四品官母妻封贈恭人

事物紀原

費愚卒妾朱氏自經死贈德人卽恭人也

介山堂別集

宋婦人封號自夫人以下凡八等侍郎以上封碩人

太中大夫以上封令人通直郎以上封孺人

鳳崗小牘

鄭琪妻羅氏名幼安以琪軍功封令人

元史

有王二娘者熟黎之酋朝廷封宜人凡瓊有號令者必下王宜人二娘死女能繼之

桂海虞衡志

元七品封宜人

續文獻通考

明制正從五品官母妻封贈宜人正從六品官母妻

封贈安人

事物紀原

屈安人韓邦靖妻封安人早慧工刺繡聞父訓諸子

盡得其解尋令哦詩悉合矩度

靜志居詩話

古大夫妻稱孺人今封贈正從七品官母妻

紀事會元

張文昌祭韓吏部詩公疾浸日加孺人視藥湯以爲

姬妾則云乃令二侍女合彈琵琶箏已有侍女矣退之曾云已呼孺人夏鳴瑟豈以言內子耶唐棣王炎有二孺人爭寵蓋親王有孺人二人也按曲禮大夫妻曰孺人則孺人不得以爲妾張文昌或取此宣和罷縣君改孺人爲第八等

愛日齋叢抄

洪武元年封范氏謹眞爲孺人與六品誥命

謙小編

碩人孺人今率爲婦人之通稱

香祖筆記

政和初定今婦人八階孺人次以室人後改爲安人

學齋帖

漢陰安侯乃高帝兄伯妻樊諡侯母邱嫂也樊伉母

呂頌封臨光侯

姓樓記

婦人封侯高祖封許負爲鳴雌亭侯高后以蕭相國夫人同爲鄼侯

愛日齋叢抄

魏春秋作明雌

奚涓死事無子母底氏封魯侯

文奇豹斑

王蜀時臨邛黃崇嘏爲男子裝遊歷兩川以事繫邛州獄上詩於蜀相周庠庠覽詩召見稱鄉貢進士年三十許應對詳敏卽命釋之令與諸子姪遊學崇嘏雅善琴奕妙書畫未幾薦攝府司戶參軍明敏多才胥吏畏服庠欲妻以女崇嘏以詩辭曰一辭拾翠碧江湄貧守蓬茅但賦詩自服藍衫居郡掾永抱鸞鏡

畫蛾眉立身卓爾青松操挺志堅然白璧姿幕府若
容爲坦腹願天速變作男兒庠見詩大驚問其本末
乃黃使君之女幼失恃怙與老姥同居元未從人庠
益重其貞潔旋乞罷歸臨叩後莫知所終傳奇有女
狀元春桃記蓋黃事也

玉溪編事

淳熙元年女童林幼玉求試所誦經書四十三件並
通時年二十二歲賜爲孺人或云林妙玉賜爲進士
留青日札

宋孝宗時林幼玉明武宗時林妙玉皆以女童應試
詔賜女進士

宛委餘編

薛審記濤在元稹幕後去幕乃作詩以獻末云樽前

百事皆依舊點檢惟無薛秀才

可齋雜記

邢簡妻陳氏甫笄涉通經義凡覽詩賦輒能誦尤好

吟咏時以女秀才名之

通史

明初識字婦女得舉女秀才入尙功局

靜志居詩話

教用敬妻易淵碧舉女秀才以疾還鄉陳素園妻龍

玉英孀居亦舉女秀才封大樂賢母

萬載縣志

永樂中梅殷與女秀才劉氏朋邪

明史

金建女太學

宋資治通鑑

女山人孟光也

識小編

女冒男官

齊東陽女子婁逞變服爲丈夫能奕解文義仕至揚州從事後事發始作婦人服嘆曰有如此技還作老嫗

續虹筆記

劉士珂赴選晚入旅店少選傳云祭酒屈郎君晚膳引珂擁爐飲酒昏時共被乃婦人也囑珂勿與他人語詢其所由則功臣李抱玉主謀青衣石氏因亂抱玉挾名奏授國子祭酒

唐雜記

貞元末有孟媼者年二十六嫁張晉爲妻晉爲朔方兵馬使日在汾陽王左右媼貌酷與晉類晉卒汾陽

傷之媼遂衣丈夫衣冠投名爲啓弟任前職事汾陽
寡居十五年汾陽薨媼年七十二軍中累奏兼御史
大夫忽思斃獨嫁三原潘老生二子曰滔曰渠移媼
年百餘歲卒

乾廣子

四川西充女子代父從征以功授都尉歷官數載而
歸嫂見其腰軀肥大疑而嘲之女乃置酒邀親里會
飲剖腹以示無他人皆敬而哀之

碧梧雜錄

女土官

建昌知府師克武定知府商勝東川知府勝古烏撒
知府寶卜皆洪武中女土官

弁山堂別集

女士官承襲或妻繼夫或妾繼嫡皆無豫定

通記

舊史卷十四

東吳王初桐于陽篋述

鮑邱劉錫前純齋校刊

眷屬門一

母

几遽氏之世天下之人惟知其母

亢倉子

嚴母五子皆爲二千石號萬石嚴姬

淵鑒類函

人臣對君稱母爲妾戰國策匡章對齊威王曰臣非不能更葬先妾也陳沈炯表言臣母妾劉年八十有

一臣叔母妾邱七十有五

日知錄

凡與人言稱彼父母皆加尊字王羲之書稱彼之母與自稱已母同不云尊字今所非也

顏氏家訓

武后議父在爲母服三年喪云母之於子慈愛特深推燥居濕咽苦吐甘恩斯極矣理宜崇報

女世說

駭沐國父死則棄其母言鬼妻不可與同居

博物志

瑯嶠俗重母不重父

臺海使槎錄

母或謂之媼

方言

蜀稱母曰姐

韻府羣玉本說文

淮南謂母爲社

淮南子注

集韻淮南呼母爲燥

江淮間謂母曰媼

法帖刊誤

李賀學語時呼太夫人爲阿婆

珍珠船

齊人稱母曰嬖吳人稱母曰嬖俗稱母曰媽

記事珠

娘孃同本少女稱亦以稱母

龍龕手鑑

母亦可稱大人范滂就獄與母訣曰大人割不忍之

恩是也

孔氏雜說 雞肋編曰穆宗元謂劉禹錫之母亦曰無辭以白其大人

康翊仁詩三日大人嫌史記索隱云古者尊嫜爲大

人漢書宣元六王傳大人謂張博母也故古詩云三

日斷五匹大人故嫌遲

吟應雜錄

應奉稱母爲家大人

問辨錄

今人稱母爲北堂萱蓋祖伯兮詩焉得諼草言樹之

背護草令人忘憂背北堂也北堂幽陰之地可以種萱初未嘗言母也不知何以相承爲母事

野客叢書

俗謂母爲萱堂考之詩焉得護草言樹之背是爲君子行役而作以忘憂解之極通于母有何干預或引用樹萱事則不可用詩註之北堂

鼠璞

世稱母爲北堂又曰萱堂蓋祖毛詩注又韓愈云主婦治北堂故母稱北堂

類博雜言

舜母詣羅所每還錢與米問之子也因抱歸

類林

鄭子產聘晉道中心痛遣人還家問母起居母曰吾忽心體不調憶想汝耳

郭頌世錄

匡昕隱金華山母病亡昕奔還號叫母卽蘇

齊書

李景莊老于場屋每被黜母輒撻其兄景讓宰相以

語主司遂及第

唐書

孟昶降宋其母李太后隨至京師昶卒母曰汝不能
死社稷貪生以至今日吾所以忍死者以汝在耳今
汝旣死吾覩生何爲因不食卒

王彥清話

東坡知貢舉李方淑下第其母嘆曰蘇學士知貢舉
而汝不成名復何望哉抑鬱而卒

聞見雜錄

王子文遭論罷官以母年高託言得除以悅母意母
曰我已知之汝父昔以諫諍忤時相罷去國今汝又

如此吾方以爲喜汝復何憂

稗史

昔有母子離別母每見鱗蛸垂絲子必至故名喜子

子思母亦然故號喜母

未齋雜釋

馬某娶妾生子鐸妻妬不容以嫁同邑李氏生子騏
後鐸騏皆中狀元是一母孕兩狀元也

明奇事述

世有孃惜細兒之語陟岵詩云母曰嗟予季行役季
少子也此正所謂孃惜細兒者

幾編間評

賈似道母兩國夫人本賈涉之賤妾涉爲萬安丞似
道在孕不容于嫡以情告縣宰宰令其妻過丞廳諸
妾環侍國語丞妻以乏使令欲借知事一妾丞妻云

惟所擇用宰妻指似道之母承妻幸其去欣然許之
卽隨歸縣衙而似道生後改任其母竟流落及似道
鎮維揚子母方得聚會

古杭雜記

項明妻生一女而死有巫能致亡者魂魄項令召其
妻至項無所覩女獨見之與其母也遂留止不去母
女共處一年漸縮小如嬰兒遂不見

夷堅志

湖廣布政司署中一日從空墮婦女二人自言母女
也爲黑面者驅來官爲詢其家鄉遞送還之

贛園雜志

魯有九子之寡母臘日謁父母家謂諸子曰慎守房
戶吾夕而反于是天陰還失早至闕外而止待夕而

入或問之對曰恐諸奴孺子期夕而反酺歡醉飽人情公有也穆公聞之賜號母師

列女傳

中牟宰佛肸叛母當并坐自請見襄子問死故襄子曰而失教使至于叛母曰妾無罪妾聞子少則爲子長則爲友妾能爲君長子君自擇以爲臣此君之臣非妾之子君有暴臣妾無暴子乃釋之

列女傳

范滂坐黨就捕其母與訣曰汝今得與李杜齊名死亦何恨

晏元獻類要

嚴延年治河南酷刑號屠伯母責罵之曰殺人立威名豈爲人父母哉天道神明不可獨殺我不意老見

壯子被刑戮也行矣去汝東歸掃除墓地耳遂去歲
餘果敗人謂東海有賢智之母

何氏語林

馬超叛漢殺涼州刺史韋康從事揚阜出見姜叙于
歷城與議討賊叙母曰韋使君遇難亦汝之負但當
速發勿復顧我人誰不死死國名芬因勅叙與阜參
議許諾及超襲歷城得叙母罵之曰汝背父弑君
天地豈久容汝敢以面目視人乎超殺之

容齋隨筆
參用菁齋

讀書編

季姜姓文氏王敬伯夫人也子博妻楊及博子遵婦
張皆服姑教並有賢訓號三母堂

梓潼士女志

劉琨殺令狐盛其母責之曰汝不能弼御豪傑以恢
遠畧而專除勝已禍必及我孫伯符將殺魏騰吳夫
人曰汝新造江南當優禮賢士魏功曹在公盡規汝
今殺之則人皆叛汝二母識度如一

史記

趙王使趙括爲將其母請于王曰括必敗請不從坐
後果敗王乃原其母

史記

劉真長小時諸人比之袁羊劉喜還告其母母有識
鑒曰此非汝比又有方之范汪者劉復喜母又不聽
後真長年德轉升論者比之荀粲

何氏語林

甘寧厨下兒有罪先投呂蒙寧先許不殺已還而殺

之蒙大怒欲攻寧蒙母曰至尊待汝如骨肉何得以私怒戕大將若寧死之日至尊罪汝則已脫優假不問法重恩深於汝安乎蒙卽時豁然自至寧舟呼曰老母待卿食遂同見母歡宴竟日

女世說

王經仕至二千石其母曰可以止矣經不能用後爲尚書以忠于魏主髦爲司馬昭所收并及母經泣語母曰不從母訓致有今日母笑曰往所以止兒者恐不得死所也以此并命我歡其義矣

漢晉春秋

石虎少時數彈人石勒欲殺之母曰快牛爲犢于時多能破車勒乃止

晉書載記

江淹年十二孤貧嘗採薪養母于樵所得貂蟬一具
將鬻以供養母曰此故汝休徵汝才行若此豈長貧
賤可留待得侍中著之後果如言

女世說補

房景伯守清河貝邱人列于不孝房母崔夫人曰小
人未見禮數但呼其母來我與同居其子置汝左右
令見汝事我或應自改景伯從之經二十餘日其子
叩頭流血其母涕泣乞還

廣仁類編

許善心母范氏博學有高節常侍獨孤后講讀及宇
文化及弒逆善心以不舞蹈遇害范時九十二不哭
撫柩曰能死國難我有兒矣

夜燈管測

王珪始隱居與房元齡杜如晦善母李氏嘗曰而必貴然未知與游何如人試與偕來會元齡等過其家李閱驚喜曰二客公輔才汝貴不疑

剪桐載筆

李長吉好爲詩每命小奚奴跨驢背一古錦囊遇有所得卽書投囊中及暮旋太夫人使婢探囊出之見所書多輒曰是兒當嘔心斯已耳

是菴日記

朱溫爲節度置酒母王氏前曰朱五經子爲節度使無忝先人矣王惻然良久曰汝能至此可謂英特然行義未必得如先人也

二酉彙刪

蘇軾母程氏博通經史課二子甚嚴嘗讀范滂傳慨

然太息軾請曰軾若爲滂母許之否程曰吾獨不能爲滂母耶

王宗稷東坡先生年譜

蘇子瞻儻宅于眉二婢足忽陷地視之有板覆大甕人謂下有宿藏物子瞻母亟命以土塞之

說備

呂公著作相子希哲尚滯管庫公著念以已故不試嘆其屈夫人聞之笑曰亦未知其子矣

厥次瑣談

姚忠肅公爲監察御史太夫人有賢識勗之曰爲國者忘其家汝第盡力効忠果不測吾追踪陵母死日猶生年也

輟耕錄

沈尚書絢主春閨其母太夫人曰近日崔李侍郎皆

與同宗及第若擬放誰絢曰莫踰沈先太夫人曰先
早有聲價科名不必在汝我以沈儋孤單鮮知者汝
若不慙孰能見哀絢不敢違遂放儋第先後亦升上
第人服太夫人之明悟

通吉錄

孟母三徙擇鄰以教子

列女傳

孟子少時問東家殺豬何爲母曰欲啖汝旣而悔曰
欺之是教之不信乃買豬肉食之

韓詩外傳

齊湣王失國王孫賈從王失王之處其母曰汝朝出
而晚來則吾倚門而望汝暮出而不還則吾倚閭而
望汝今事王不知王處汝尚何歸賈乃入市呼市人

攻殺淖齒求王子立之

容齋隨筆

陳嬰欲立爲王嬰母謂嬰曰自我爲汝家婦未嘗聞

汝先古之有貴者今暴得大名不祥不如有所屬事

成猶得封侯事敗易以亡非世所指名也

列女傳漢藝文志

考證會羣曰陳嬰母事曹大家所益非劉向書本然也

漢王擊項羽王陵以兵屬漢王項羽得陵母置中軍

漢使至則以陵母招陵陵母私送使者曰爲老妾語

陵善事漢王漢王長者也無以老母故懷二心言妾

已死乃自刎

杜豫女記小學紺珠曰二母者陳嬰母王陵母見班彪王命論

雋不疑爲京兆尹每行縣錄囚還母輒問有所平反

活幾萬人不疑多所平反母喜笑飲食言語異于他時或無所活母怒爲之不食

蘇氏家語

張緬母劉氏以父沒家貧葬禮有闕遂終身不居正室不隨子入官府

梁書

鍾會母張夫人明於教訓會年四歲受孝經七歲誦論語八歲誦詩十歲誦尚書十一誦易十二誦春秋左氏國語十三誦周禮十四誦成侯易記十五入大學謂會曰學猥則倦倦則意怠吾懼汝之怠故以漸訓汝今可以獨學矣

鍾會母傳

吳質偶與客言人短長母謝夫人屏間竊聽怒因杖

之百且曰愛其女者必取三復白圭之士妻之今獨
產一子孰與壻急而出語忘親吾行與若共觀金人
耳泣不食質從是謹默

近世厚德錄

遼西太守趙苟母被劫質以擊郡苟見之悲號母遙
呼其字曰威豪人各有命何得相顧以虧忠義進戰
母遂遇害

女世說

羊耽妻辛氏毗之女有才鑒鍾會爲鎮西請其子爲
參軍母曰軍旅之間可以濟者惟仁恕乎後會果反
塙竟以道自全

晉書

陶侃貧時冬日著敝葛及貴母恒于公服袖口內縫

一片曰汝當作佳官勿忘著葛衫時也

世說新語補

卞壺赴難二子隨歿母裴氏撫尸曰父爲忠臣子爲孝子夫何恨乎

三十國春秋

王大司馬母魏夫人性甚嚴王年逾四十少不如意猶捶撻之

顏氏家訓

劉牢之先爲桓元所害及元篡位牢之姊子何無忌與劉裕謀討之無忌夜于屏風裏草檄其母以器覆燭徐登梯子屏風上密窺之泣曰吾不及東海呂母明矣汝能爲此吾復何恨問所與同謀曰劉裕母尤寡因言元必敗事必成以勸之

女世說

皇甫謐得瓜果以進母母投諸地曰孝經稱日用三
牲之養猶爲不孝今爾年近三十志不存教心不入
道曾無少慰我心因流涕謚遂伏史書

元晏春秋

張鑑欲理盧樅使免死鑑當坐貶恐爲母憂問之母
曰兒無累于道吾所安也遂直樅罪鑑貶

杜泰姬趙宜妻也生七男七女皆有令德其長男成

諸女婦各有法也

漢中士女志

楊拒妻者劉懿公女也字恭璞有四男三女皆早亡
教遵閨門勅有法則長子元琮常出諸弟

日

教貞之曰汝爲敗首

弟

作泰

中士女志拒作相銘作巨恭璞

陳文矩妻李法之姊也字穆姜有二男而前妻四子

文矩死四子不幸穆姜以義相導四子皆進立爲良

士

後漢書

李景讓爲浙西觀察杖殺一押衙軍中欲爲變景讓
方視事其母出坐廳事立景讓於庭責之曰天子付
汝以方面豈得妄殺致一方如沸非惟上負天子且
下愧先人矣命左右褫衣坐之欲撻其背將佐皆泣
請久乃釋軍中遂定

何氏語林

顏真卿少孤母商躬加訓導博極羣書

類說

楊收幼孤母親授經悉通大義

唐書

元務光母盧氏寡居諸子皆親自教授

朝野類要

柳仲郢幼嗜學母嘗和熊膽丸以助子勤

唐書

楊仲珍嘗請客其母從窗中窺客罷讓之曰吾視汝所交皆不及已此自損之道後復請客皆耆德秀士

母喜

綠牕談藪

薛元曖卒其妻林氏洋之妹也善屬文有子四人俱

幼林氏訓導立名並舉進士

唐詩紀事

德宗奔奉天李惟簡將赴難謀於母鄭氏鄭氏曰爾不能效忠我不子汝矣而能死王事我不朽矣乃斬

關出 分門故事

張氏嘗從容訓子曰人有三成人知畏懼成人知羞恥成人知艱難成人

竹下寤言

趙武孟少遊獵以所獲饋其母母泣曰汝不好書而傲蕩吾何望哉不爲食

服膺錄

寇萊公少時愛飛鷹走犬太夫人每不勝怒舉秤錘投之中足流血由是折節讀書

寇萊公遺事

蘇易簡參知政事母薛氏召入禁中上問何以教子成此令器母曰幼束以禮讓長訓以詩書上曰真孟母也

宋史

歐陽修母嘗以荻剗地爲字以教子

歐陽公始末

蘇軾生十年父洵游學四方母程氏親授以書

女世說

程珣夫人侯氏明道伊川之母也飲食常置二子于

座側教之

宋史

楊察母能教子甚嚴察省試登科第二人報者至其母方卧大怒轉面向壁曰此兒辱我乃爲人所壓及察歸久不與語其年廷對果魁天下

燕記

王義方爲御史將欲劾奏匪人問母母曰汝能盡忠

吾雖死不恨

唐書

程彥範謀誅張易之以白其母母曰忠孝不兩全先

國後家可也

語林

陳堯咨守荆南回其母馮夫人問有何異政堯咨曰
每以弓矢爲樂母曰汝父教汝以忠孝今汝專務一
夫之勇豈汝父之志耶杖之碎其金魚

通水燕談

劉安世初除諫官入白母母曰諫官爲天子諍臣汝
父生平欲爲之而弗得汝幸居此地當捐身報國正
使得罪流放無問遠近我當從汝所之

說備二集

鄒浩初除諫官恐貽親憂欲同辭母張氏曰兒能報
國無愧公論我顧何憂

扈言餘錄

張浚欲論秦檜奸恐爲母累體至瘠母怪問以實對

母不應惟誦浚父紹聖初對策曰臣寧言而死于斧
錢不忍不言以負陛下浚逆決

古列女直說

吳元濟反以董昌齡爲令質其母楊氏楊氏謂昌齡
曰順死賢于逆生汝去逆而吾死乃孝子也從逆而
我生乃戮我也昌齡遂歸國

厚語

張奎母宋氏親教子讀書客至輒于牕聽之客與其
子論文學則爲設飭饌或諧謔則不設也

涑水記聞

邢簡妻陳氏有六子陳氏親教以經後二子抱撲抱

質皆位宰相

遼史

虞集幼處干戈中無書冊可攜母楊氏口授論語孟

子左氏傳歐蘇文間輒成誦比還長沙就外傳始得
刻本則已盡讀諸經通其大義

遂隱類記

崔立之變蒲察琦以死自誓既至家母方晝寢驚寤
曰適夢三人潛伏梁間故驚耳琦跪曰梁上人鬼也
兒意在懸梁阿母夢先見耳家人輩以老母存泣勸
母止之曰勿勸兒所處是矣

女世說

路仲顯母有賢行教仲顯讀書國初賦學家有類書
名節事者新出價數十金母爲仲顯買此書樽衣節
食累年而後致戒仲顯言此書當置學舍中必使同
業者皆得觀之

中州集

章文寶聘金氏未成婚納妾包氏有妊而文寶且死
金氏聞堅請往視文寶一見卽逝金氏撫妾守喪妾
生子給親教讀書成進士官禮部郎景泰時欲薦請
復儲恐貽母憂金氏曰汝能死諫我無恨也就上杖
幾死銅詔獄金氏怡然

明語林

朱成沒于虜其子隨征獨返見其母夫人讓之曰汝
父死于國難汝隨征何獨生還豈利其子棄而不顧
耶立命死之以庶子襲其封

客庄新聞

王融母謝氏教融書學

齊書

曾紆學詩以母夫人魯國魏氏爲師

空青先生集

陳祐少好學家貧母張氏嘗剪髮易書使讀之

元史

崔元暉爲軍校員外郎母盧氏戒之曰兒子從宦聞
有人來云貧乏不能自守此是好消息聞貨資充足
衣馬輕肥此是惡消息爾宜特加修潔勿累吾此意
也

職官分紀

姚天福拜御史其母戒之曰古稱公爾忘私當罄所
衷以塞其職勿以未亡人爲卹俾我追蹤陵母死之
日猶生之年也

離邱雜錄

鄭善果母崔氏賢明曉政道善果爲守每理務崔氏
輒于障後察之聞其剖斷合理則大悅若處事不允

母輒不食善果由此厲已爲清吏

珍珠囊

楚將子發攻秦絕糧使人請于王因歸問其母母問使者對曰士卒分菽豆而食將軍芻豢黍粱子發破秦而歸其母閉門不納曰子非吾子也

列女傳

有村人早出賣菜拾得至元鈔十五錠歸以奉母母曰可急速送還子曰拾得之物送還何人母曰但於原拾處俟候定有失主來矣子遂依命攜往頃間果見尋鈔者便以付還

輟耕錄

秦簡王能言母陳妃以唐詩教之

靜志居詩話

胡時忠仕南昌虞氏訓之曰居官悔過不如無過待

汝面頸發赤時若人身家已破矣

校禮野乘

梁廷佐爲定安教諭迎養其母馮氏馮呼廷佐而語之曰汝忝爲人師教與育皆汝事也我手治絲葛得絹布若干疋并鬻我簪珥買田于是邑取其入以供單寒之子則我之留此方者較之貽爾子若孫爲大矣廷佐遵命置腴田三百畝諸生羣感其德爲馮建生祠設位于內額曰食德祠

觚麋續編

徐氏耿庭柏母寄子詩云家內平安報爾知田園歲入有餘資絲毫不用南中物好作清官答聖時

漁洋詩話

僕固懷恩之子爲偏將所斬懷恩告其母母曰我戒

汝勿反今衆變禍將及我提刀逐之曰我爲國殺此

賊

唐書

全節婦者安南賊帥齊亮之母也夫死以忠義教其子不聽遂絕之自田而食自紡而衣詔褒之賜以兩

丁奉養

唐紀

師春姜者魯師氏之母也訓其女曰婦事夫有君臣之尊有父子之敬有兄弟之道有朋友之信至寢席之交然後有夫婦之際

列女傳

趙母嫁女女臨去教之曰慎勿爲好女曰不爲好可爲惡耶母曰好尚不可爲况惡乎

女世說 淵鑒類 前漢趙母訓鄰舍

虞是妻 穎川趙氏女也

牛僧孺早孤母周氏治蕩無檢鄉里羞赧

牛羊日三

民母嫡母也

漢書註

王綽兄弟皆呼嫡母爲家家

北齊書

陸讓母馮氏性仁愛讓其孽子也坐贓當死將就刑
馮氏蓬頭垢面詣朝堂數讓罪于是流涕嗚咽親持
盂粥勸讓食既而上表求哀詞情甚切上愍然改容
遂免讓死

蘇氏家語

杜羔父卒母非嫡經亂不知所之後有老婦見羔竊
語人曰此少年狀類吾夫訊之故羔母也遂迎歸

漢書

宋朱巽妾劉氏有娠爲嫡妒不容出嫁民間生壽昌
數歲乃還父家母子不相聞者五十年壽昌入秦求
之避雨旅舍見老婦冒雨抱薪而來投舍嘆曰吾兒
壽昌安知母如此之苦乎壽昌前問乃生母也遂同
歸蘇氏家語 東都事畧謂壽昌生七歲父出其母
歸東軒筆錄謂壽昌方在襁褓而所生母被出
謝用母馬氏苦于嬾還其家改適人用長日夜顙天
求得其母一日宿田家有寡婦相告以故卽馬氏也

涕泣迎歸

東坡志林

義繼母者齊二子之母也二子被罪請殺少子問之
對曰少者妾之子長者前妻之子其父疾且死屬妾

善視之若忘夫之托是欺死也齊王美其義皆赦之
列女傳

郭丹後母爲鬻衣裝與丹從師

後漢書

羊祐前母孔融女兄發初與祐同母兄弟俱病祐母
度不能兩存乃專心于發遂得濟也

說原

北齊殷外臣有子基諧皆已成人而再娶王氏基每
拜見後母感慕嗚咽不能自持王氏亦悽愴不知所
容旬月求退便以禮遣

女世說補

閔子騫爲後母所苦以蘆花衣之以代絮父知之欲
出後母子騫曰母在一子單母去二子寒遂止

孝子傳

曾子後母遇之無恩供養不衰

家語

馮豹年十二後母惡之夜卧引刀斫之正值其起中

被獲免

東觀漢記

龐參夫人疾前妻子投于井中殺之參免官

後漢書

王延後母以蒲麻與延貯衣

晉書

徐甲前妻許氏生一男名鏐曰許亡甲改娶陳氏志

滅鏐曰產男因名鏐梓欲以梓擣曰也

還冤記

閭績後母誣績盜金訟于有司

駢志

盧操繼母張氏生三子命操爲三子執勤三子每出

操爲驅驢

史系

正德中錦衣衛千戶李雄西征陣沒遺孤五人子二
曰承祖曰亞奴女三曰桂英曰玉英曰桃英諸子皆
前妻所產惟亞奴後妻焦氏生焦欲圖親兒繼襲令
承祖往戰場尋父骸骨覲其陷于非命而承祖竟抱
骨以歸焦乃鳩死承祖支解而埋之又以桂英鬻豪
家爲婢玉英頗知典籍年十六伶仃窮迫作送春詩
云柴門寂寂鎖殘春滿地榆錢不療貧雲鬢霞裝伴
泥土野花何似一愁人又作別燕詩云新巢泥滿舊
巢欹泥滿疎簾欲掩遲愁對呢喃終一別詩堂依舊
主人非焦指詩詞謂有外通等情俾舅焦榕執送錦

衣衛誣以姦淫不孝擬凌遲嘉靖四年夏差太監審錄罪囚凡有事枉人冤許行陳送于是王英具本托其妹桃英賁奏訟冤疏畧云臣年十二遇皇上嗣位遍選才人府尹以臣應選禮部憫臣孤弱未諳侍御發臣寧家臣年十六伶仃無倚是以濫形吟咏感諸身心寄諸筆札蓋有不得已而爲言者奈何母恩雖廣不察臣衷臣玩詩詞以爲外通挈送錦衣衛本官誣臣姦淫不孝擬劓罪臣在獄日久有欺臣孤弱而與不良之心者臣撫膺大慟獄中莫不驚惶臣素不才鄰里何無糾舉乃以數句之詩尋風捉影陷臣死

罪臣之死固無憾十歲之弟毒藥鳩死肢解埋棄果
何罪乎臣母之罪臣不敢言凱風有詩臣當自責陛
下俯察臣情將臣詩句付有司委勘有無淫姦實情
推詳臣母之心盡在不言之表則臣亡父母之靈亦
可慰于地下矣有旨命三法司會勘焦氏論斬玉英
着錦衣衛選良才作配焉

名媛詩歸

先世以來庶母皆稱支婆

家世舊聞

五峯稱父妾爲少母

朱子語錄

世傳孔子三世出妻蓋本檀弓孔氏不喪出母自子
思始之說竊以出母者所生之母也呂相繼秦書康

公我之自出出之爲言生也明矣其曰子未喪出母

蓋嫡母在堂不得爲三年喪耳

三條錄

檀弓註云伯魚卒其妻嫁于衛之庶氏以予論之伯魚卒時年五十妻年必與之相似且上有聖人爲之翁下有賢爲之子何得再嫁

開中今古錄

賈直孺母見棄于父直孺貴奉出母與後母並處

說

呂蒙正父多內寵與妻劉不睦出之劉誓不復嫁及

蒙正登仕迎二親同堂異室孝養倍至

冬夜筆記

張永德父穎先娶馬氏生永德爲穎所出及永德貴建二堂左繼母劉氏居之右馬氏居之劉氏卒馬氏

謁太宗嘉嘆封莒國太夫人

燕翼貽謀錄

駱統母改嫁爲華歆小妻

說願

保傅乳母

王獻之保母李如意能爲文善草書

女世說補

崑山徐氏有晉王子敬保母甄志

曝書亭集

蘇老泉之妾楊氏名金蟬爲子由保母

東坡集

則天后武氏撰保傅乳母傳七卷

陝西通志

義保者魯孝公稱之保母臧氏也初與其子入宮養公子稱伯御作亂求公子稱將殺之義保乃衣其子以稱之衣卧于稱之處伯御殺之義保遂抱稱以逃

十一年周天子殺伯御立稱爲孝公

女俠傳

慈母亦曰保母母亡父命他妾養已者

合璧事類

古者傳母選無夫與子而曉習婦道者爲之

三禮圖

齊孟姬曰妾聞妃后下堂必從傳母

列女傳

宋失火伯姬以傳姆不在不敢下堂

春秋備忘續遺說

戚姬以如意年幼使內傳姆趙媼傳之

西京雜記

杜秋金陵女也年十五爲李錡妾錡叛滅入宮有寵

于景陵穆宗卽位命秋爲皇子傳母皇子壯封漳王

王被罪廢削秋因賜歸故里

杜牧杜秋傳

漳王養母杜仲陽歸浙西有詔存問

西谿叢語前部新書曰杜仲

陽即杜秋也

武帝乳母當徙邊入辭先見郭舍人爲泣下舍人曰
卽入辭去數還顧母如其言舍人罵之曰叱老女子
何不疾行陛下已壯矣寧當須汝乳而活耶尙何還
顧于是帝憐焉乃詔止無徙

漢書

韓晉公有乳母邇求外事公欲殺之密求顧況營救
况詣公問之公曰某守禮法乳母犯之况曰公幼時
早起夜卧卽要乳母今爲侯伯焉用哉誠宜殺也公
遽捨之

史遺

野客叢書曰顧况奏用郭舍人之術

闕司倉家乳母鈕氏有一子妻愛之與其子均忽一

日妻偶得林檎一帶戲與已子乳母怒因齧吻攘臂再三反覆主人之子一家驚怖遂奪之其子狀貌長短正與乳母兒不下也妻知其怪謝之鈕復手簸主人之子始如舊矣

酉陽雜俎

韓愈乳母李氏號正真老於韓氏

何之子

晏元獻家老乳媪燕婆在晏氏數十年一家頗加禮既死猶以時節祭之嘗見夢曰冥間甚樂但衰老須人扶持苦乏人耳其家爲書二婦人焚之又夢曰受賜多矣奈軟弱不中用何其家嘆異命匠爲厚紙格繪二美婢他日又夢來謝曰新婢絕可人意今不寂

寔矣明年寒食家人上冢復夢曰向所得婢今又爲
燕三誘去家人曰燕三人也安有是曰今亦來矣曰
然則當爲辦之不難也明日相語皆大笑燕三媼姪
也素不檢媼死不復往來莫知其存亡遣人訪之果
死矣遂復畫二老者與之又來致謝蓋前後五夢得
二老婢而去

旌異記

米元章母嘗乳哺宮中

楊誠齋詩話

秦破魏欲殺魏公子公子乳母與公子俱逃魏之故
臣兄之曰吾聞秦令有能得公子者錫金千鎰匿之
者罪至夷乳母倘言之則可得千金不言則昆弟無

類矣乳母曰吁我不知公子處知亦不言遂抱公子
逃于深澤中秦軍追射之乳母以身爲公子蔽矢著
身數十與公子死

女俠傳

獨孤武都謀殺王世充事泄遇害有子師仁三歲遂
被禁乳母王蘭英請髡鉗入保養時方喪亂蘭英乞
丐拊拾遇有所得更歸食師仁已惟啖土飲水而已
卒全師仁歸唐

女世說補

高宗乳母盧氏本杜才幹妻才幹以謀逆誅故盧沒
入宮中帝既卽位封燕國夫人品第

隋唐嘉話

唐哀帝天祐二年丙出宣旨嫁娶楊氏可賜號昭儀

妳婆王氏可封郡夫人第二妳婆王氏先帝已封郡夫人今准楊氏例改封中書門下奏曰後漢順帝封乳母宋氏爲山陽君安帝封乳母王聖爲野王君俱致地震晉室中興乳母阿蘇賜號保聖君高齊陸令萱以乾阿妳授封郡君尋亂制度中宗神龍元年封乳母于氏爲平恩郡夫人景龍四年封尚食高氏爲修國夫人封爵之失始于此後睿宗封元宗乳母蔣氏爲吳國夫人莫氏爲燕國夫人歷載以來寢爲訛弊伏望賜楊氏號安聖君王氏號福聖君第二王氏號康聖君從之

舊唐書參用冊府元龜

武宗封皇太子乳母李氏爲壽國夫人 荀文獻通考

明永樂中封乳母馮氏爲保聖賢順夫人 列宗因爲

成例而奉聖夫人客氏遂擅權矣 日知錄

益王稱疾太宗召乳母問狀乳母曰王本無疾徒以

姚坦向東不得自便耳帝曰王年少必汝教之杖乳

母 萬曆

客氏者光宗乳媼也光宗少長客氏先導之淫客氏

姿色妖媚卽中宮崇皇后端麗非比客氏且能聞之

客氏心喜觀忠賢之發黜先與之私通蓋忠賢得奇

術生於小兒也陽道復生忠賢又引宦者魏朝共私

客氏熹宗于夜半時給客氏與魏忠賢為妻二人在

帝左右播弄非一

香齋行客語註

王綽兄弟皆呼乳母為姊姊

北齊書

國婆婆上之乳母

所文記

溫成皇后乳母賈氏宮中謂之賈婆婆賈昌朝連結

之謂之姑姑

東坡志林

大夫之子有食母士之妻自養

海內事 事功補 珠曰乳母曰食母

乾阿奴高齊陸合世也

高齊書

義山雜纂不稱意少阿奴少去聲

釋常談

蘇軾之乳母任氏名採蓮工巧勤儉至老不衰乳姊

八娘養視軾之子邁迨邁皆有恩勞

東泉雜記

屬之乳姐傳以潼母

諸事拾遺

中宗以皇后老乳母王氏嫁爲竇從一繼妻封莒國夫人俗謂乳母之婿曰阿箸從一每謁見自稱羽聖皇后阿箸

六帖

祖母諸母外祖母

太母祖母也元豐間稱曹太皇后爲太母元祐中稱高太皇后爲太母皆謂帝之祖母耳元符中謂向太后爲太母紹興中謂章太后爲太母則非矣

老學庵筆記

江建年十一始擣蒲祖母爲說事事有博奕破業廢

身于是棄五木終身不以爲戲

江表別傳

韓繪之守衡陽遇桓氏難其祖母殷氏撫屍哭曰汝父昔罷豫章徵書朝至夕發汝去郡已數年爲物不得動遂及此難夫復何言

問語林

春秋宋公子鮑美而艷襄夫人欲通之乃助之施是祖母欲淫其孫

池北偶談

薛播早孤伯母林通經史授諸子及播

三十國春秋

晉謝瞻幼孤叔母撫育有恩同于所生

蘇氏家語

杜預刺秦州被誣徵還其叔母嚴氏戒之曰諺云忍辱至三公卿今辱矣能忍之公是卿坐

女世說

皇甫謐少倦於學所養叔母教之曰昔孟母以三徙
成子豈我居不卜隣何爾魯之甚也修身篤學自汝
得之於我何有因對之流涕謐乃感激受書問閔語
林

嬀字世母二字合呼也

明道雜志

宣帝賜外祖母號爲博平君

漢書外戚傳